

24/03/17

# Xylella Fastidiosa, u periculu sempre vivu

Scupertu in Prupia di lugliu 2015, u batteriu si hè spartu assai in Corsica, chì ferma a prima regione tocca in Francia. Dapoi ch'elli sò stati chjappi più di 900 pedali di ferraghju, crescenu torna e tensione...

Di Julian Mattei  
jumattei@corsematin.com

Quand'ellu era statu messu à palesu u batteriu, u 22 di lugliu di u 2015 nant'à qualchi pianta di *Polygala myrtifolia*, in una zona commerciale di Prupia, l'affare avia mossu a Corsica sana. Ma, dapoi qualchi mese, un'ansciava mancu più un fiatu. Hè bastatu ch'elli sianu chjappi, à principiu di ferraghju scorsu, 922 pedali ghjunti da l'Italia, da i servizii di a dugana di Corsica - frà i quali 650 eranu scritti nant'à u listinu di i vegetali capace à esse « ospiti » di u batteriu, à purtà o à sviluppà a *Xylella Fastidiosa* - da ch'ellu sia rinviutu u periculu di a cuntaminazione. A causa di u rimusciu : un'infrazione à l'arrestatu prefetturale di maghju 2015, chì pruibisce certi pedali di vegetali senza auturizzazione specifica da pudè li intrudde in Corsica. Dopu à esse stati immobilizati è cuntrullati, si sò buscati una derugazione per entre in Corsica « di manera securizata, legale, è cù certitudine nant'à a so urigine sana », preciseghjanu i servizii di a direzione dipartimentale di a cuesione suciale è di a prutezzione di a popolazione.

Ma, s'elli fermanu « inchieti », i pepinieristi, di pettu à sta impurtazione d'Italia, induv'ellu si sparghjè assai u batteriu, in u rughjone di E Puglie, volenu schjarisce a situazione. « I pedi



Document Settimana

di vegetali sò sempre sbarcati da l'Italia, spiega Marc Furfaro, gerente di una spluttazione in Lucciana, è membru di u cullettivu di difesa di i pepinieristi di Corsica. Ma per impedisce di manera certa l'introduzione di pedali, ci vulerebbe

ch'elli passinu solu per i pepinieristi. Hè una garanzia da ch'ella sia rispettata a barriera sanitaria è una certa securità postu chì, per un dettu, a grande distribuzione pò fà vene prudutti senza cuntrolli. Bella sicura, tutte e misure di precauzione devenu esse pigliate. Ma tutti i pepinieristi anu bisognu d'impurtà da pudè travaglià ».

prubema » chì tocca a Corsica. Serebbe, d'altronde, difficile à fà : sicondu l'ultimu studiu fattu da i servizii di u Statu, u 22 di dicembre di u 2016, nant'à i 329 casi di *Xylella Fastidiosa* cunnosciuti nant'à u territoriu naziunale, 309 sò stati censi in Corsica - soprattuttu in u Pumontu - è 20 in a regione PACA. Vale à dì un'aumentazione di più di 20 % dapoi u censu di lugliu di u 2016. « Hè una situazione inquietante assai », cunsidereghjanu i servizii di l'uffiziu di l'ambiente di a Corsica (OEC), chì mettenu in causa e cundizione di circolazione « micca ammastrate abbastanza » di i vegetali, da a parte di i servizii di u Statu. « Ci vole à truvà una soluzione da pudè securizà, à u livellu sanitariu, tutti i pedali chì entrenu in Corsica, mettendu cundizione precise è custrette ». Intantu, per circà à evità l'impurtazione ghjunte da l'Italia, l'uffiziu di l'ambiente (OEC) hà messu in ballu, cù i servizii di u Statu è i pepinieristi, una strategia da pudè favorizà a pruduzione locale di pedi, per via di u label « Corsica grana ». In u frattempu, l'uffiziu di sviluppu agriculu (Odarc) aiuta e spluttazione tocche da u batteriu à mette in piazza e cundizione da un diseminà micca a malàtia, è quelle sempre risparmiate à pruduce in ambu prutettu, cum'è per un dettu per l'aliveti, puru s'è, per avà, un esistenu ancu mezi curativi da pudè luttà contru à u batteriu. Di fatti, per circà à cunnosce megliu a *Xylella Fastidiosa* è u so modu di trasmissione, un programma di ricerca, messu in ballu da l'OEC, l'Inra è l'Università di Corsica deve esse sottumessu à a validazione di l'Assemblea di Corsica per a prussima sessione. Un'iniziativa per circà di truvà (infine) suluzione à longu andà.

## I sciffri

# 25

generi di vegetali serianu tocchi da u batteriu in Corsica.

# 309

casi di *Xylella Fastidiosa* eranu identificati in Corsica di dicembre 2016, sicondu i servizii di u ministeriu di l'agricultura.

# 329

casi di *Xylella Fastidiosa* eranu censi in Francia di dicembre 2016, sicondu i servizii di u ministeriu di l'agricultura.

# 360

spezie « ospiti » di u batteriu sò state cense in u mondu.

# 200

spezie di vegetali sò sensibile à u batteriu, sicondu u ministeriu di l'agricultura.

## U batteriu in corte parole

U BATTERIU XYLELLA FASTIDIOSA, TRASMESSU DA « INSETTI VETTORI » CUM'È A CICADELLA, S'ATTACCA À PARECHJE FAMIGLIE DI VEGETALI : VIGNA, ALIVU, AMANDULU, PRUGNA,

BARACUCCU, FAIU, PERSICUCCIU... IN AMERICA, U BATTERIU HÈ CUNNOSCIUTU CUM'È ESSENDU À L'URIGINE DI A MALATIA DI PIERCE CHÌ HÀ TOCCU ASSAI E VIGNE DI CALIFURNIA À A

FINE DI U XIXU SECOLU. OGHJE CHÌ GHJÈ OGHJE, SEI « SOTTU SPEZIE » DI XYLELLA FASTIDIOSA SÒ STATE IDENTIFICATE : MULTIPLEX, PAUCA, FASTIDIOSA, SANDYI, MORUS È TASHKE.

## Una filiera di pruduzione locale

Nòndimenu, da a parte di i pepinieristi, un si tratta mancu appena di circà à « nigà u